



HEIMVEREIN PFADI FRIENISBERG

Protokoll der 44. Ordentlichen Hauptversammlung vom Sonntag 11. März 2018 10.00 Uhr, Mürgerhaus Meikirch

Ortschwaben, 21.04.2018/StR

Anwesende:	Siehe Protokoll Elternrat
Entschuldigt:	
Leitung:	Beat Egli (Gorps)
Protokoll:	Stefanie Ruchti

Der Präsident Beat Egli begrüsst die Anwesenden.

Er zeigt die Traktandenliste. Sie wird genehmigt. Keine Zusätzlichen Anträge. Es wird kein Stimmenzähler gewählt.

1. Protokoll vom 12.03.2017

Protokoll war auf unserer Website aufgeschaltet.

Protokoll i.O. und wird verdankt

2. Jahresbericht des Präsidenten

Der Präsident liest vor: «Nach dr HV vom 12.März isch bi üs im Heimverein d Renovazione bi üsne beide Pfadiheim wittergange.

Luege mer zersch zum Birchi: Ahgfangen hets im Birchi, wo üs d Gmeind Wohle dr Usseplatz het usgäbnet u so massiv vergrösseret het. Das isch dr erscht Schritt zure Nöigschtaltig vom Platz.

Im Mai si d Fassademaler cho u hei d Wescht und Oschtfassade nöi gmale. D Fassade isch zum erschte mau ufgfrüschet worde u isch dringend nötig gsi. Die andere Fassadesittene weimer de zum ne spätere Zytpunkt mache.

Im Summer si zwe professionelli Houzer cho u hei aui Tanne, wo Trennig zum Nachbargrundstück hei usgmacht, gfäut. Das ganze Material isch immne abentüürleche Transport uf Grächwil gfare worde u het grad ds erschte Ouguscht-Füür vor Gmeind Meikirch gäh.

Im Spätherbscht het üs d Firma Kuschter Garte dr nöi Zuhn ufgschteut. So si d Nachbargrundstück wider chli gschützt vo de nöigiirige Blicke vo üsne Mieter.

Itz zu Ortschwabe: Im Frühlig isch aues fertig gmacht worde wo no ahgfangen isch gsi. D Firma Hügli usem Wyssestei isch am Schaffe gsi u es het e nööi Tür gäh. D Chuchi isch fertig gmacht u vom Heimchef ihgrichtet worde. Itz heimer ändlech warm Wasser, äs het drum oh

es System für Warm-Wasser gäh. Und schlussendlich isch ä chliini Duschi vom Matter Meikirch ihbout worde.

Was itz no aues offe isch chunt de später bim Budget. Aber itze zum süschtige Vereinsläbe: Am 29.April isch oh dr Heimverein am Abteiligstag cho häufe u mir hei es guets Risotto dörfe verteile. E tolle Ahlass u oh mir hoffe, Dir chömet wider aui verbi!

Am 6.Mai heimer beidi Heim putzt u widerum si vili iifrigi Häufer drbigsi. A dere Steu es ganz hätzlechs MERCI a aui vo si cho chrampfe. Es isch jedes Jahr nötig u mir si um jedi Hand froh. Mir wärde öich oh i däm Frühlig wider bruuche, machet auso scho mau d Agända parat...! Am 16.Juni si üsi beide Rät uf em gmeinsame Usflug gsi. Dasmau simer itz nöi ihgrichtete Instrumäntemuseum mit dr Sammlig vom Karl Buri gange. Es chlises Museum dsmitz ir Stadt wo absolut sehenswert isch! Me cha nid nume luege, nei, mi cha oh ganz viu usprobiere..! Bim ne guete Nachtässe hei mer dä Abe la usklinge.

Und de isch scho dr Sammutag u dr Märit gsi, wo mir natürlech immer häufe. Wie Dir heit ghört, isches oh das Jahr wider e grosse Erfolg gsi! D Finanze für nöie Pfadijahr si wider dinne. Dr Ufwand lohnt sech auso sehr!

Zwüsche dene Ahläss si viermau üsi Sitzige gsi.

Mir hei i däm Jahr nöi üsi Heim uf dr online Plattform AirBNB usgschribe und dank dere Plattform hei mer grad sofort viu meh Vermietige vo beidne Heim dörfe feschtsteue. Mir hei dä Uftritt ständig chli ahpasst u üsi Erfahrig drmit gmacht, aber itz louft das sehr guet u mir si sehr froh, ab de nöie Ihnahme!

Und zum Schluss: E grosse Dank a mi Vorstand, Danke dass dr aui Zyt füre Heimverein heit! Mir hei es guets Team binang u mir ergänze üs sehr guet. E grosse Dank oh am Eltererat für die geniali Zämearbeit! Und e grosse Dank ah aui Pfader u Leiter. Für d Nutzig vo üsne Pfadiheim isch e grossi Disziplin ume u mir hei oh ich däm Jahr nie Problem gha, das isch nid säubschtverständlech! DANKE VIELMAL!»

Der Bericht wird mit Applaus genehmigt-

3. Kassenbericht, Budget, Mitgliederbeitrag Bernhard Hegg stellt Bilanz und Erfolgsrechnung vor

Der Heimverein schliesst die Rechnung 2017 mit einem Verlust von CHF 23'933.10 ab.

Die Revisoren haben die Rechnung geprüft und schlagen vor, sie zu genehmigen

Die Rechnung wird mit Applaus genehmigt.

Zum Budget 2018

Es wird von einem ausgeglichenen Budget ausgegangen, trotz weiteren baulichen Massnahmen rund um das Heim Birchi. Die Mitgliederbeiträge bleiben gleich.

Die Revisoren haben das Budget geprüft und schlagen vor, es zu genehmigen.

Das Budget wird mit Applaus genehmigt.

4. Wahlen/Demissionen

Demission: Doris Mäder (seit 9 Jahren dabei)

Als Dank für ihre Arbeit im Heimverein erhält Doris einen Gutschein für ein Erlebnis zu zweit, welches Sie sich aussuchen kann.

Es steht zurzeit niemand zur Neuwahl, Mietglieder werden gesucht.

5. Verschiedenes

Heimputzete findet am 28. April statt. Es wird wieder eine Doodle verschickt in dem sch die Helfer eintragen können.

Er dankt auch allen für die Aufmerksamkeit und beendet die HV.

Der Präsident



Gorps, Beat Egli

Die Protokollführerin:



Stefanie Ruchti